

ant iix Provincias dividunt, quæ sunt *Alde Marck*, sive *Vetus Marchia*, *Meddel Marck*, sive *Media*, *Nen-Marck*, sive *Nova*; *Vber Marck*, *Pregnitz*, *Crossen*, Ducatus: *Sterneberg* & *Cotbus* Dominia: item Pars *Lusatia*. Sunt & minores in his Provinciis Comitatus, ut *Rapin* & *Vierraden*, & *Kustren* Marchionatus. Habet in universum *Marchia Brandenburgica* cum iis regionibus quas eius iuris esse diximus lv insignes Vrbes, lxi v Opida, xvi Opidula, quæ *Marktstellen* vulgo vocant, xxxviii Arces, sive Nobilium ædes, x Vivaria, xvi Cænobia. Fluminibus irrigatur *Odera* sive *Viadro*, *Suevo*, *Albi*, *Havela*, *Warta*, & aliis. Prope *Frankfurtense* Carthusianorum Cænobium rivulus est, ex colle vitifero emanans, in quem quicquid inciderit, in lapidem indurelcere compertum est. Atque hæc de Marchionatu Brandenburgico; restat ut de Pomerania quæ titulo ipsius tabulæ continetur, pauca subiungamus.

Pomerania primis cultoribus lingua VVandalica *Pamortzi* appellata, nunc Ducatus est, adiacens mari Balthico, extenditurque longo tractu ab *Hollatiæ* finibus, ad fines *Livoniæ*. Regio est ubique fertilis; prata habet & pascua læta gramine. Frumento, Butyro, Melle, Cera, Canabi, Lino, rebusque aliis istiusmodi abundat usque adeo, ut etiam ex eorum exportatione Incolæ magnas sibi opes parent. Colligunt etiam maris Accolæ succinum, sed minore copia quam *Borussi*. Varii generis videre est ibi Animalia domestica: atque in Silvis Ferarum armenta varie discurrentia. Proprios hæc Regio semper Dominos & Indigenas habuit, nunquam victos, nunquam suo solo & ditionibus pulsos, Civitates hic multæ sunt & nobiles. *Stetinum* præcipua est, ad *Viadrum* amnem: olim piscatorum vicus oblongus ad fluminis ripam, sed post susceptum Christianismum, & destructam VVineta translati illuc emporio amplificari cæpit, estque adeo nunc totius Pomeraniæ Metropolis. *Gripswaldum* Opidum literarum artiumque humaniorum cultu celebre: Gymnasium exstructum est anno cion XLVI. *Julinum* Opidum olim totius pene Europæ amplissimum, Emporium Vandalorum fuit. *Stralsundia* Opidum splendidum in littore Maris Balthici, olim proprium Ducem habens. *Wineta* omnium quondam maritimarum urbium opulentissima, destructa a *Conrado Danorum Rege*, Sunt & aliæ urbes *Neugardia*, *Lemburgha*, *Stargardia*, *Bergradum*, *Camenez*, *Publina*, *Grisenburgha*: & ad littus *Colberga*, *Caminum*, *Collinum*, *Sunda*, *Pucka*, *Revecol*, *Lovensburg*, & *Hechel*. Atque hæc de Pomerania pro huius loci angustia paucis sint dicta. Continetur etiam hac Tabula *Meckelnburg* sive *Magnopolensis* Ducatus. Suntq; in eadem Tabula, Ecclesiastici, *Magdeburgensis* Archiepiscopus & Primas Germaniæ: cui subsunt in *Marcka Brandenburgensi*, *Brandenburg* Episc. & *Havelburg* in *Meckelnburg*; *Soverinensis* Episcopus sub *Bremensi*; in Pomerania; *Camin* Episc.

Regio.

Situs.

Soli fertilitas.

Animalium.

varietas.

Imperium majorem.

rum.

Urbes.